

Morning Dogri (NSD) National News Bulletin 11-11-2024

आकाशवाणी

- प्रधानमंत्री नरेन्द्र मोदी होर अज्ज गुजरात च श्री स्वामी नारायण मंदर दे 200 ब'रे सपूरे होने दे मौके उपपर लोआए जा'रदे समारोह च शामिल होंगन।
- झारखंड च पैहले गेड़ दे विधानसभा चुनां लेई प्रचार अज्ज संजा सम्पन्न होई जाग।
- न्यायमूर्ति संजीव खन्ना होर अज्ज भारत दे मुख्ख न्यायधीश दे तौरा पर संगंध चुक्कगन।
- कोलकाता दे आर.जी.कार मैडिकल कालेज च इक जुनियर महिला डाक्टर कन्नै होए दे बलात्कार ते हत्तेया आले मामले दी सुनवाई अज्जै थमां कोलकाता दी इक विशेष अदालतै च शुरू होआ'रदी ऐ।
- संयुक्त राष्ट्र जलवायु परिवर्तन बारे सलाना 29मां सम्मेलन(कॉप-29) अज्जै थमां अजरबाईजान दी बाकू थाहर शुरू होग।
- महिलाएं दी एशियाई हॉकी चैंपियन ट्राफी 2024 अज्ज थमां बिहार च शुरू।

<><><><><><>

PM-Swami Narayan

प्रधानमंत्री नरेन्द्र मोदी होर अज्ज गुजरात दे बड़ताल च श्री स्वामी नारायण मंदर दे 200 ब'रे पुरे होने आले समारोह च वरडियो कांफ्रेंसिंग राएं हिस्सा लेंगन। ओह इस मौके पर उत्थें मजूद लोकें गी बी संबोधत करगन। बड़ताल स्थित श्री स्वामी नारायण मंदर दे केई केई दहाकें थमां लोकें दे समाजिक ते आध्यात्मिक जीवन दी आस्था दा केन्द्र बने दा ऐ।

<><><><><><>

Jharkand

झारखंड च विधानसभा चुनां दे पैहले गेड़ दा चुनां प्रचार अज्ज संजा समाप्त होआरदा ऐ। इस गेड़ च 43 विधानसभा सीटें पर इस म्हीने दी 13 तरीक गी वोट पाए जांगन। एनडीए ते इंडिया ब्लाक दे स्टार प्रचारक मतदाताएं गी अपनी पार्टी दे मेदवार दे पक्ख च करने लेई लग्गे दे न। प्रधानमंत्री नरेन्द्र मोदी होर मेरा बूथ सब्बने थमां मजबूत प्रोग्राम तैहत् वीडियो कांफ्रेंसिंग राएं पार्टी कारतकर्ताएं गी संबोधत करगंन। बीजेपी नेता ते गृह मंत्री अमित शाह होर साबका मुख्मन्त्री चंपेई सोरेन हुंदे समर्थन च रैली करगंन। कांग्रेस अध्यक्ष मल्लिकार्जुन खरगे होर पांकी ते छतरपुर असैबली विधानसभा हल्के च रैलियां करगंन। जेएमएम नेता ते मुख्मन्त्री हेमंत सोरेन होर हुसैनाबाद, सारालिकेला, इच्छागढ़ ते सिली विधानसभा च चुनावी बैठकां करगंन।

<><><><><><>

Assam By Poll

असम ते पच्छिम बंगाल च होने आले उप-चुनां लेई अज्ज प्रचार दा खीरी दिन ऐ। असम च बुधवारें 13 नवम्बर गी 5 विधानसभा सीट पर मतदान होग। एह्दे आस्तै 34 मेदवार चुनां मैदान च न। एनडीए, कांग्रेस ते बीपीएफ दे केई वरिष्ठ नेता चुनां आले क्षेत्रें च मतदाताएं गी अपनी पार्टी दे मेदवार दे हक्कै च करने लेई लग्गे दे न। तोआई पच्छिम बंगाल च 6 विधानसभा सीटें पर उप-चुनां होग। चुनाएं गी आज्ञाद ते निरपक्ख ढंगै सिर करोआने लेई चुनां आयोग आस्सेआ लोड़चदे बंदोबस्त कीते गे न। इनें 6 सीटें लेई 15 लक्ख थमां बद्ध योग्य मतदाता न।

<><><><><><>

New CJI

न्यायमूर्ति संजीव खन्ना होर अज्ज मुख्म दे 51में मुख्म न्यायधीश दे तौर पर सगंध लैंगन। राष्ट्रपति भवन च इक खास समारोह च राष्ट्रपति द्रौपदी मुर्मू होर उनेंगी औहदे ते राजदारी दी सगंध दोआंगन। न्यायमूर्ति संजीव खन्ना होर सुप्रीम कोर्ट दे मुख्म न्यायधीश दे तौर पर न्यायमूर्ति डी.वाई.चन्द्रचूड़ हुंदा थाहर लैंगन जेह्दे ऐतवार पिंशनरी होई गे।

<><><><><><>

Kolcutta Trail

कोलकाता दे आर.जी.कार मैडिकल कालेज च इक जुनियर महिला डाक्टर कन्नै होए दे बलात्कार ते हत्तेया आले मामले दी सुनवाई अज्जै थमां कोलकाता दी इक विशेष अदालतै च शुरू होआ'रदी ऐ। सुनवाई फास्ट ट्रैक दे आधार पर तेजिया कन्नै ते होग। 9 अगस्त गी आर.जी.कार मैडिकल कालेज च जूनियर डाक्टर दी लोथ बरामद होने दे 94 दिनमगरा एह सुनवाई शुरू होआ'रदी ऐ। केन्द्री पड़ताली सिगा (सीबीआई) ते 35 दिनें पैहले इक आरोप पत्र दायर कीता हा जेह्दे च संजय राय गी बलात्कार ते हत्तेया दा इक्कला ते मुख्य आरोपी दस्सेआ गेआ हा।

<><><><><><><>

COP-29

संयुक्त राष्ट्र दा 29मां सलाना जलवायु बदलाव सरबन्धी सम्मेलन अजरबैजान दे बाद्दू च अज्ज शुरू होआ'रदा ऐ। माली सम्मेलन दे तौर पर पेश कीते जा'रदे 2 हफ्ते दे इस कार्यक्रम च एह जकीनी करने पर बचार बमर्श होग जे जलवायु परिवर्तन कन्नै प्रभावत होने आले सब्बने थमां मते असुरक्षत मुल्खें च इसदे नमें आर्थिक लक्ष्यें गी कियां हासल कीता जाई सकदा ऐ। एह्दे च भारत सनें 200 थमां मते मुल्खे दे प्रतिनिधि हिस्सा लैंगन ते तापमान च बाद्धे पर ते पेरिस समझौते गी अगगे बधाने किट्ठे रलियै चर्चा करगन। सम्मेल दी सब्बने थमां बड्डी सफलता उसलै मन्नी जाग जिसलै वार्ताकार मुख्य जलवायु परिवर्तन आस्तै महत्वकांक्षी माली लक्ष्यें गी हासल करने पर सैहमत होन जेह्दे राएं विकासशील मुल्खें दी जरूरतें गी पूरा कीता जाई सकै।

<><><><><><><>

NHRC

मनुक्खी अधिकार सरबन्धी राष्ट्री कमीशनएनएचआरसी, विदेश मंत्रालय कन्नै रलियै नमीं दिल्ली च अज्जै थमां 6 रोजा भारतीय तकनीकी ते आर्थिक साथ-सैहसयोग कार्यकारी समर्थ निर्माण कार्यक्र आयोजित करा'रदा ऐ। इस कार्यक्रम च 8एं मुल्खें दे मनुक्खी अधिकारें सरबन्धर राष्ट्रीय कमीशनर दे वरिष्ठ एह्लकार हिस्सा लै'रदे न, जेह्दे च मालदीव, नेपाल, श्रीलंका ते थाईलैंड शामिल न।

<><><><><><><>

AP Budget

टांघप्रदेश दे खजाना मंत्री पायावुलुकेशव होर अज्ज अमरावती च राज्य दी विधानसभा च 2024–25 ब४रे दा माली बजट पेश करगन। इस बॄरे जून च एनडीए गठबंधन दी सरकार बनने मगरास एह पैह्ला पूरा पराता माली बजट ऐ, जेहड़ा तकरीबन 2.90 लक्ख करोड़ रपे दा ऐ। एह बजट लोकें लेई कल्याणकारी योजना ते चुनां दरान कीते गेदे वादें उपपर खर्च कीता जाग।

<><><><><><>

Kishtwar Soldier

किश्तवाड़जिले दे गिधरी टॉप इलाके च कल आतंकवादिएं कन्नै होए दे टाकरे च विशेष बलें दे इक जेसीओ शहीद ते 3 जवान जख्मी होई गे। मन्नेआ जा'रदा ऐ जे इलाके च छप्पे दे इनें 4 आतंकवादिएं गै जिले दे कुन्तवारा इलाके च दऊं ग्राम रक्षा गार्डें दी हत्तेया कीती ही। जिले दे दूर–दरेड़े जंगलें च कगधरी टॉप इलाके च तपाशी अभियान लेई तैनात फौजी टीम दी अगुवाई करै करदे नायब सूबेदार राकेश कुमार होर इस टाकरे च त्रै हार जवानें दे जख्मी कन्नै होए। उनें सब्बने गी ब्हाई रस्तेया फौजी अस्पताल पजाया गेआ जित्थें कल संजा राकेश कुमार होरें दम त्रोड़ी दित्ता। इस हमले दे बाद कल पूरे इलाके च सुरक्षाबलें अपने अभियान गी होर तेज करी दित्ता। तोआई उपराज्यपाल मनोज सिन्हा होरें शहीद राकेश कुमार हुंदे परोआर दे प्रति हमदर्दी जताई ऐ। उपराज्यपाल हुंदे सर्वोच्च बलिदान गी नमन करदे होई आखेआ ऐ जे राष्ट्र दे प्रति उंदिएं निस्वार्थ सेवाएं गी म्हेशां चेता रखेआ जाग। अधिकारिएं मूजब गिधरी टॉप दे जंगलें च छप्पे दे खैनें आतंकवादी पाकिस्तान दे न ते ओह बड़े भारी थेआरें कन्नै लैस गी हैन, जिंदे च एम–4 कारबाईन, असाल्ट रफलां ते गोला बरूद बी शामिल ऐ। इनें आतंकवादिएं च दऊं ग्राम रक्षा गार्डें दी हत्तेया कीती ह ीते ओहूदे मगरा नस्सियै गिधरी टॉप दे जंगलें च जाई छप्पे। इंदे सफाए लेई हैलीकाप्टरें ते ड्रोनें गी बी तैनात कीता गेदा ऐ।

<><><><><><>

India Russia

रुस दे उप-प्रधानमंत्री डैनिस मंतुरोत होर कल भारत दौरे पर मुंबई पुज्जे। विदेश मंत्री डॉ. एस.जयशंकर होरें सोशल मीडिया दी इक पोस्ट च आखेआ जे ओह अज्ज भारत-रुस बिजनेस फोर्म च उंदे कन्नै गल्ल करने गी बलगा'रदे न। भारत-रुस बिजनेस फोर्म दौनें मुल्ले बश्कार आर्थिक सरबंघे गी बढ़ावा देने पर केन्द्रित ऐ।

<><><><><><>

Hockey

बिहार दे राजगीर च अज्ज थमां महिलाएं दी एशियाई हॉकी चैंपियन ट्रॉफी 2024 प्रतियोगिता शुरू होआ'रदी ऐ। मुख्मन्त्री नीतिश कुमार अज्ज संजा 10एं दिनें दी इस प्रतियोगिता दा उद्घाटन करगंन। इस प्रतियोगिता च भारत दे अलावा चीन, जापान, मलेशिया, कोरिया ते थाईलैंड जनेई एशिया दी प्रमुख टीमां हिस्सा लै'रदियां न।

<><><><><><>